

KOMORA MEDICINSKIH BIOHEMIČARA
FEDERACIJE BOSNE I HERCEGOVINE

O D L U K A

o osnivanju Komore medicinskih biohemičara F BiH

Sa osnivačke Skupštine Komore medicinskih biohemičara F BiH koja je održana u Sarajevu 17.09.1997. godine donešena je Odluka o formiranju Komore medicinskih biohemičara F BiH 01.01.1999. godine.

Sarajevo, 01.01.1999. godine

PREDSJEDNIK KOMORE:

Dipl.ing. Čiço Bakira, spec.med.biohem.



Na osnovu člana 151 Zakona o zdravstvenoj zaštiti Federacije Bosne i Hercegovine (Službene novine FBiH 29/97 član 152,153,154,155) Skupština Komore medicinskih biohemičara Bosne i Hercegovine, Sarajevo Kranjčevićeva 12, dana 17.septembra 1997 godine donijela je:

**ODLUKU O OSNIVANJU KOMORE
MEDICINSKIH BIOHEMIČARA
FEDERACIJE BOSNE I HERCEGOVINE**

član 1.

Medicinski biohemičari Federacije Bosne i Hercegovine osnivaju Komoru medicinskih biohemičara na nivou Federacije (u daljem tekstu Komora) kao strukovnu organizaciju mdicinskih biohemičara koji rade na području Federacije na neposrednim poslovima zdravstvene zaštite ili na obrazovanju medicinskih biohemičara, a koji imaju prebivalište na području Fereracije Bosne i Hercegovine.

član 2.

Komora ima status pravne osobe.
Komora istupa samostalno i neograničeno u svoje ime i za svoj račun.
U pravnom prometu s trćim osobama Komora za svoje obaveze odgovara svim svojim sredstvima.

član 3.

Naziv Komore je:
KOMORA MEDICINSKIH BIOHEMIČARA FEDERACIJE BOSNE I HERCEGOVINE.
Sjedište Komore je u Sarajevu, Kranjčevićeva 12.

član 4.

Komora obavlja slijedeće poslove :

1. oblikuje etički kodeks medicinskih biohemičara
2. prati i nadzire pravila etike u medicinskoj djelatnosti i poduzima odgovarajuće mjere u slučaju njihovog kršenja
3. vodi registraciju svojih članova
4. daje mišljenje ministarstvu zdravstva, odnosno kantonalnom ministarstvu o opravdanosti izdavanja, produživanja ili oduzimanja odobrenja za obavljanje privatne prakse u biohemijsko-hematološkim laboratorijama.

5. kod podnošenja zahtjeva ljekara za obavljanje privatne prakse koja uključuje biohemijsko-hematološku laboratoriju, daje mišljenje o potrebi, uvjetima i obimu njene djelatnosti.
6. daje mišljenje o početku i prestanku rada zdravstvenih ustanova koje se bave laboratorijskom djelatnošću, a uzimajući u obzir utvrđenu mrežu zdravstvene djelatnosti, te stručne i ekonomske interese svojih članova.
7. daje mišljenje za rad medicinskih biohemičara izvan punog radnog vremena u zdravstvenoj ustanovi ili kod zdravstvenih radnika koji obavljaju privatnu praksu.
8. daje mišljenje na uvjete pod kojima medicinski biohemičar koji obavlja privatnu praksu može obavljati poslove svoje struke u zdravstvenoj ustanovi, a koje propisuje ministar zdravlja.
9. daje mišljenje na cijenu laboratorijskih usluga u privatnoj praksi koja ne ostvaruje prihode putem zavoda osiguranja
10. zastupa interese svojih članova kod sklapanja ugovora sa Federalnim zavodom osiguranja i reosiguranja, odnosno kantonalnim zavodom osiguranja i reosiguranja i drugim osiguravajućim zavodima
11. pruža u drugom stepenu zaštitu građanima u ostvarivanju prava na kvalitet, sadržaj i vrstu zdravstvene usluge koja im se pruža
12. po službenoj dužnosti izdaje, obnavlja i oduzima odobrenje za samostalan rad svojih članova
13. sudjeluje pri utvrđivanju standarda i normativa zdravstvene zaštite
14. daje stručno mišljenje prilikom pripreme propisa od uticaja na razvoj zdravstvene zaštite
15. propisuje način oglašavanja i način isticanja privatne prakse
16. daje saglasnost za registraciju dijagnostičkih testova, reagencija, pribora i opreme
17. brine se o materijalnim i drugim interesima svojih članova
18. koordinira odnose među članovima te aktivno sudjeluje u rješavanju eventualno nastalih sporova
19. obavlja i druge poslove u skladu sa Zakonom, Statutom Komore i drugim općim aktima Komore

član 5.

Tijela Komore su,

1. Skupština
2. Izvršni odbor
3. Predsjednik i dopredsjednik
4. Kantonalni odbori
5. Sud Komore
6. Tužitelj Komore
7. Komisija za medicinsku etiku
8. Komisija za stručna pitanja
9. Komisija za edukaciju
10. Komisija za statusna pitanja
11. Komisija za kontrolu kvaliteta rada i saradnju sa industrijom
12. Komisija za ekonomska pitanja

član 6.

Izvori finansiranja Komore su:

- članarina
- naknade za usluge Komore
- određeni iznos sredstava iz cijene zdravstvenih usluga koje obave medicinski biohemičari
- donacije
- ostali izvori

član 7.

Sredstva za organizovanje Komore solidarno će snositi osnivači, s tim da imaju pravo refundirati utrošena sredstva od Komore nakon što Komora bude isnovana i ostvari prvi finansijski prihod iz kojeg će se moći vratiti sredstva.

član 8.


Komoru u osnivanju zastupati će i predstavljati Bakira Cico spec.med.bioh.

član 9.

Ova odluka stupa na snagu danom donošenja od strane Skupštine Komore medicinskih biohemičara Federacije Bosne i Hercegovine

za Komoru medicinskih biohemičara
Federacije Bosne i Hercegovine

dipl.ing. Bakira Cico spec.med.bioh.



RJEŠENJE

o upisu u sudski registar subjekta upisa

KANTONALNI SUD U SARAJEVU

(naziv i sjedište suda)

po

sucu - sudiji pojedincu

Popović Njego Spomenka

KOMORA MEDICINSKIH BIOHEMIČARA FEDERACIJE BOSNE I HERCEGOVINE

rješavajući po prijavi

(naziv i sjedište subjekta upisa)

Sarajevo, ul. Kranjčevića br. 12

koju zastupa

(prezime i ime)

u predmetu upisa

u sudski registar osnivanje Komore

(predmet upisa)

, a na temelju - osnovu članka - člana 43.

Zakona o postupku za upis u sudski registar („Službene novine Federacije BiH”, broj 6/95), dana

21-02-2001

godine, donio je

RJEŠENJE

1. U sudski registar ovog suda upisan je subjekat upisa sa slijedećim podacima:

osnivanje Komore

KOMORA MEDICINSKIH BIOHEMIČARA FEDERACIJE BOSNE I HERCEGOVINE

Sjediste: Sarajevo, ul. Kranjčevića br. 12

Skraćeni naziv KMBF BIH

1,2,4,6,7

2. Podaci o subjektu upisa upisani u sudski registar sadržani su u registarskim listovima broj koji se nalazi uz ovo rješenje i čine njegov sastavni dio.

3. Registarski broj subjekta upisa: 2-41

4. Datum upisa: 21-02-2001

Protiv ovog rješenja može se izjaviti žalba u roku od osam (8) dana od dana prijema ovog rješenja. Žalba se izjavljuje

Vrhovni sud Federacije BiH

(naziv i sjedište suda)

a podnosi preko ovog suda.

Broj: UFA-1778/99

Sudac - sudija

Datum: 21-02-2001

Popović Njego Spomenka

REGISTARSKI LIST

Osnovni podaci o subjektu upisa

1	Broj i datum rješenja o upisu subjekta upisa u sudski registar	UF/I-1778 /99 od: 21-02-2001
2	Firma, odnosno naziv subjekta upisa	KOMORA MEDICINSKIH BIOHEMIČARA FEDERACIJE BOSNE I HERCEGOVINE
3	Sjedište subjekta upisa	Sarajevo ul. Kranjčevića br. 12
4	Skraćena oznaka firme	KMBF BIH
5	Predbilježba - pribilježka, zabilježba - zabilježka i ostali upisi	
6	Sudac - sudija M.P.	

REGISTARSKI LIST

Podaci o osnivatelju - osnivaču subjekta upisa

Prilog broj

2

1	Broj i datum rješenja o upisu subjekta upisa u sudski registar	UF/I-1778 /99 od: 21-02-2001	
2	Naziv i sjedište osnivatelja - osnivača subjekta upisa, odnosno prebivalište ulagatelja - ulagača	Broj i datum akta o osnivanju subjekta upisa	
	Društvo medicinskih biohemičara Bosne i Hercegovine, Sarajevo, ul. Bolnička br. 12 -	Odluka o osnivanju Komore medicinskih biohemičara Federacije br. 01-1/99 od 8.9.1999.godine	
3	<p style="text-align: right;">Sudac - sudija</p> <p style="text-align: center;">M.P.</p>		

REGISTARSKI LIST

Podaci o djelatnosti, odnosno poslovima subjekta upisa

Prilog broj

4

1	Broj i datum rješenja o upisu subjekta upisa u sudski registar	UF/I-1778 /99 od : 21-02-2001
2	Djelatnost, odnosno poslovi subjekta upisa	
<p>1.oblikuje etički kodeks medicinskih biohemičara</p> <p>2.prati i nadzire provodjenje pravila etike u biohemijskoj djelatnosti i poduzima odgovarajuće mjere u slučaju njihovog kršenja.</p> <p>3.vodi registraciju svojih članova.</p> <p>4.daje mišljenje ministarstvu zdravstva, odnosno kantonalnog ministarstvu o opravdanosti izdavanja, produživanja ili oduzimanja odobrenja za obavljanje privatne prakse u biohemijsko-hematološkim laboratorijama</p> <p>5.kod podnošenja zahtjeva ljekara za obavljanje privatne prakse koja uključuje biohemijsko hematološku laboratoriju, da je mišljenje o potrebi i obumu njene djelatnosti</p> <p>6.daje mišljenje o početku i prestanku rada zdravstvene ustanove koja se bavi laboratorijskom djelatnošću, a uzimajući u obzir utvrdjenu mrežu zdravstvene djelatnosti, te stručne i ekonomske interese svojih članova</p> <p>7.daje mišljenje za rad medicinskih biohemičara izvan punog radnog vremena u zdravstvenoj ustanovi ili kod zdravstvenih radnika koji obavljaju privatnu praksu</p> <p>8.daje mišljenje na uvjete pod kojima medicinski biohemičar koji obavlja privatnu praksu može obavljati poslove svoje struke u zdravstvenoj ustanovi, a koje potpisuje ministar zdravlja</p> <p>9.daje mišljenje na cijenu laboratorijskih usluga u privatnoj praksi koja ne ostvaruje prihode putem zavoda osiguranja</p> <p>10.zastupa interese svojih članova kod sklapanja ugovora sa federalnim zavodom osiguranja i reosiguranja, odnosno kantonalnim zavodom osiguranja i reosiguranja ili drugim osiguravajućim zavodima</p> <p>11.pružila u drugom stepenu zaštitu građanima u ostvarivanju prava na kvalitet, sadržaj i vrstu zdravstvene usluge koja im se pruža</p> <p>12.po službenoj dužnosti izdaje, obnavlja i oduzima odobrenje za samostalan rad svojih članova</p> <p>13.sudjeluje pri utvrdjivanju standarda i normativa zdravstvene zaštite</p> <p>14.daje stručna mišljenja prilikom pripreme propisa od uticaja na razvoj zdravstvene struke</p> <p>15.propisuje način oglašavanja i isticanja naziva privatne prakse</p> <p>16.daje saglasnost za registraciju dijagnostičkih testova, reagencija, pribora i opreme</p> <p>17. Saradjuje sa zdravstvenom inspekcijom o provodjenju zdravstveno-inspekcijskog nadzora</p> <p>1. Brine se o materijalnim i drugim interesima svojih članova</p> <p>19. Kordinira odnose medju svojim članovima te aktivno sudjeluje u rješavanju eventualno nastalih sporova</p> <p>20. Obavlja i druge poslove u skladu sa Zakonom o zdravstvenoj zaštiti, Statutom i drugim općim aktima Komore.</p>		
3	<p style="text-align: right;">Sudac - sudija</p> <p style="text-align: center;">M.P.</p>	

REGISTARSKI LIST

Vrsta i opseg odgovornosti subjekta upisa

1	Broj i datum rješenja o upisu subjekta upisa u sudski registar	UF/I-1778 /99 od: 21-02-2001
2	Ovlasti - ovlaštenja subjekta upisa u pravnom prometu s trećim osobama - licima	
	Komora ima pravo da u pravnom prometu zaključuje ugovore, sporazume i da vrši pravne radnje u okviru svoje poslovne sposobnosti.	
3	Vrsta i opseg odgovornosti subjekta upisa u pravnom prometu s trećim osobama - licima, ako se radi o povećanoj odgovornosti	
	Komora za svoje obaveze odgovara sredstvima kojima raspolaže.	
4	Vrsta i opseg odgovornosti subjekta upisa za obaveze - obaveze drugih subjekata u koje je povezan	
5	M.P.	Sudac - sudija

Na osnovu člana 151. Zakona o zdravstvenoj zaštiti Federacije Bosne i Hercegovine (Službene novine 29/97 član 152, 153, 154, 155) Skupština Komore medicinskih biohemičara Federacije Bosne i Hercegovine na svojoj prvoj Skupštini održanoj 17.septembra 1997.godine donijela je ovaj

S T A T U T
KOMORE MEDICINSKIH BIOHEMIČARA
FEDERACIJE BOSNE I HERCEGOVINE

I OPĆE ODREDBE

Član 1.

Komora medicinskih biohemičara Federacije Bosne i Hercegovine (u daljem tekstu Komora) je strukovna organizacija medicinskih biohemičara koji rade na području Federacije Bosne i Hercegovine na neposrednim poslovima zdravstvene zaštite ili na edukaciji medicinskih biohemičara, odnosno koji imaju prebivalište na području Federacije Bosne i Hercegovine u kojoj su udružene podružnice Komore Federacije Bosne i Hercegovine.

Član 2.

Naziv komore je:

KOMORA MEDICINSKIH BIOHEMIČARA FEDERACIJE BOSNE I HERCEGOVINE

Sjedište Komore je u Sarajevu, Kranjčevića 12.

Član 3.

Komora ima status pravne osobe.

U pravnom prometu s trećim licem Komora istupa samostalno u svoje ime i za svoj račun.

U pravnom prometu s trećim licem Komora za svoje obaveze odgovara svim svojim sredstvima.

Član 4.

Komora ima pečat okruglog oblika sa sljedećim tekstom:

KOMORA MEDICINSKIH BIOHEMIČARA FEDERACIJE BiH na obodu sa znakom benzenskog prstena unutra.

Član 5.

Komora ima svoj amblem-benzenski prsten-i svoj memorandum.

Član 6.

Članovi Komore su svi zaposleni medicinski biohemičari na području Federacije Bosne i Hercegovine koji obavljaju neposredne poslove zdravstvene zaštite ili rade na edukaciji medicinskih biohemičara.

Članovi Komore mogu biti i medicinski biohemičari koji ne obavljaju neposredne poslove zdravstvene zaštite i to: pripravnici, nezaposleni medicinski biohemičari i penzionisani medicinski biohemičari.

Član 7.

Komora štiti prava i zastupa interese medicinskih biohemičara, unapređuje medicinsku biohemijsku djelatnost, brine se o ugledu medicinskog biohemičara i o pravilima obavljanja medicinsko-biohemijskog zvanja.

Član 8.

Komora obavlja sljedeću djelatnost:

1. Oblikuje etički kodeks medicinskih biohemičara
2. Prati i nadzire provođenje pravila etike u biohemijskoj djelatnosti i poduzima odgovarajuće mjere u slučaju njihovog kršenja
3. Vodi registraciju svojih članova
4. Daje mišljenje ministarstvu zdravstva, odnosno kantonalnom ministarstvu o opravdanosti izdavanja, produživanja, ili oduzimanja odobrenja za obavljanje privatne prakse u biohemijsko-hematološkim laboratorijima
5. Kod podnošenja zahtjeva ljekara za obavljanje privatne prakse koja uključuje biohemijsko-hematološku laboratoriju, daje mišljenje o potrebi, uvjetima i obimu njene djelatnosti
6. Daje mišljenje o početku i prestanku rada zdravstvene ustanove koja se bavi laboratorijskom djelatnošću, a uzimajući u obzir utvrđenu mrežu zdravstvene djelatnosti, te stručne i ekonomske interese svojih članova
7. Daje mišljenje za rad medicinskih biohemičara izvan punog radnog vremena u zdravstvenoj ustanovi ili kod zdravstvenih radnika koji obavljaju privatnu praksu
8. Daje mišljenje na uvjete pod kojima medicinski biohemičar koji obavlja privatnu praksu može obavljati poslove svoje struke u zdravstvenoj ustanovi, a koje propisuje ministar zdravstva
9. Daje mišljenje na cijenu laboratorijskih usluga privatnoj praksi koja ne ostvaruje prihode putem zavoda osiguranja
10. Zastupa interese svojih članova kod sklapanja ugovora sa Federalnim zavodom osiguranja i reosiguranja, odnosno kantonalnim zavodom osiguranja i reosiguranja ili drugim osiguravajućim zavodima
11. Pruža u drugom stepenu zaštitu građanima u ostvarivanju prava na kvalitet, sadržaj i vrstu zdravstvene usluge koja im se pruža
12. Po službenoj dužnosti izdaje, obnavlja i oduzima odobrenje za samostalan rad svojih članova
13. Sudjeluje pri utvrđivanju standarda i normativa zdravstvene zaštite
14. Daje stručna mišljenja prilikom pripreme propisa od uticaja na razvoj zdravstvene struke
15. Propisuje način oglašavanja i isticanja naziva privatne prakse
16. Daje saglasnost za registraciju dijagnostičkih testova, reagensija, pribora i opreme
17. Saraduje sa zdravstvenom inspekcijom o provođenju zdravstveno-inspekcijskog nadzora
18. Brine se o materijalnim i drugim interesima svojih članova
19. Koordinira odnose među svojim članovima te aktivno sudjeluje u rješavanju eventualno nastalih sporova

20. Obavlja i druge poslove u skladu sa Zakonom o zdravstvenoj zaštiti, Statom i drugim općim aktima Komore

Član 9.

Prava članova Komore su:

- Pravo biranja tijela Komore i pravo da budu birani u tijelima imaju članovi Komore koji rade na neposrednim poslovima zdravstvene zaštite i u nastavi
- Pravo na usluge Komore koje proizilazi iz člana 8. ovog Statuta
- Pravo sudjelovanja na kongresima, seminarima i drugim stručnim manifestacijama koje su vezane za dijagnostičku djelatnost u Federaciji i inozemstvu

Obaveze članova Komore su:

- Poštivanje svih propisa koje donose tijela Komore
- Redovno učestvovanje u radu svih tijela Komore
- Rad u ekspertnim ili radnim grupama Komore
- Redovno dostavljanje podataka koje prema svojim propisima traži Komora
- Redovno plaćanje članarine i ostalih davanja koje utvrdi Komora

Član 10.

Pravilnikom o izboru tijela Komore pobiže će se odrediti način izbora za Skupštinu Komore, predsjednika, dopredsjednika i drugih tijela Komore.

II ORGANIZOVANJE KOMORE MEDICINSKIH BIOHEMIČARA FEDERACIJE BIH

Član 11.

Tijela Komore su:

1. Skupština
2. Predsjednik i dopredsjednik
3. Izvršni odbor
4. –
5. Sud Komore
6. Tužitelj Komore
7. Komisija za medicinsku etiku
8. Komisija za stručna pitanja
9. Komisija za edukaciju
10. Komisija za statusna pitanja
11. Komisija za kontrolu kvaliteta rada i saradnju sa industrijom
12. Komisija za ekonomska pitanja

Član 12.

Mandat delegata Skupštine, predsjednika, dopredsjednika i članova tijela Komore traje četiri godine. Isti članovi Komore mogu biti ponovo birani za delegate Skupštine, predsjednika i dopredsjednika i članove tijela Komore.

Član 13.

U slučaju da se ne sazove Skupština Komore čiji mandat traje zbog izbora novih delegata Skupštine, predsjednika, dopredsjednika i članova tijela Komore, svi nastavljaju obavljati svoje funkcije do izbora novih delegata, odnosno članova tijela Komore, a najduže šest mjeseci po isteku mandata.

III SKUPŠTINA KOMORE

Član 14.

Skupština je najviše tijelo Komore.

Delegati Skupštine se delegiraju iz podružnica Komore. Svaka podružnica Komore delegira po jednog delegata na svakih 7 zaposlenih biohemičara u svom kantonu. Kandidat za delegata može biti svaki član Komore u skladu sa članom 9. ovog Statuta.

Član 15.

Skupština obavlja sljedeće poslove:

- Donosi Statut komore
- Donosi Pravilnik o radu Komore
- Imenuje predsjednika i dopredsjednika Komore
- Imenuje i razrješava članove Izvršnog odbora Komore
- Imenuje i razrješava Sud Komore
- Imenuje i razrješava Tužitelja Komore
- Imenuje i razrješava predsjednike komisija Komore
- Ocjenjuje, raspravlja i donosi odluke o radu Izvršnog odbora Komore
- Odlučuje o povezivanju Komore sa drugim srodnim organizacijama
- Odlučuje o žalbama na odluke komisije, odnosno rješenja predsjednika Komore i Suda Komore
- Razmatra i zauzima stav o problematici koju rješavaju komisije
- Odlučuje o visini članarine
- Donosi i druge odluke iz djelokruga rada Komore

Član 16.

Za izvršenje svojih zadataka Skupština po potrebi osniva i druge stručne komisije.

Član 17.

Skupština se sastaje po potrebi, a najmanje jedanput godišnje.

Skupštinu saziva predsjednik Komore.

Zahtjev za sazivanje Skupštine mogu predsjedniku podnijeti i Izvršni odbor, kantonalni odbor ili najmanje pet delegata Skupštine.

Predsjednik mora sazvati Skupštinu najkasnije u roku od 30 dana po primitku zahtjeva iz prethodnog stava.

Ukoliko predsjednik ne sazove Skupštinu u tom periodu mogu je sazvati sami predlagatelji.

Skupština odlučuje većinom glasova od ukupnog broja prisutnih delagata ako ovim Statutom ili drugim aktima Komore nije propisana druga kvalificirana većina.

Član 18.

Rad Skupštine pobliže se uređuje Pravilnikom o radu Skupštine.

IV IZVRŠNI ODBOR

Član 19.

Izvršni odbor čine predsjednik, dopredsjednik, sekretar i blagajnik Komore, te predsjednici kantonalnih odbora.

Član 20.

Izvršni odbor obavlja sljedeće poslove:

- Izvršava zaključke Skupštine
- Priprema materijale, informacije, analize i prijedloge za Skupštinu
- Predlaže Skupštini imenovanje i razrješenje predsjednika Suda i Tužitelja Komore
- Imenuje članove komisija na prijedlog predsjednika komisija
- Po potrebi imenuje svoje ekspertne timove
- Izabira sekretara Komore
- Izabira blagajnika Komore
- Izabire savjetnike Komore
- Priprema i usklađuje rad komisija
- Priprema prijedloga promjene Statuta i drugih općih akata Komore
- Donosi pravilnike o radu komisija na prijedlog predsjednika komisija
- Obavlja izbor kandidata za radna mjesta utvrđena u Komori
- Rješava eventualne sporove između podružnica Komore
- Traži od medicinskih biohemičara privatne prakse putem kantonalnih odbora obavještenja i podatke koji se odnose na obavljanje njihovog rada

- Daje saglasnost na uvjete pod kojima medicinski biohemičar koji obavlja privatnu praksu može obavljati poslove iz svoje struke u zdravstvenoj ustanovi, a koje propisuje ministar zdravstva, na prijedlog Komisije za statusna pitanja
- Brine za pravnu pomoć svojim članovima
- Obavlja i druge poslove određene ovim Statutom ili drugim aktima Komore

Član 21.

Izvršni odbor donosi odluke većinom glasova od ukupnog broja članova.

V PREDsjedNIK KOMORE

Član 22.

Predsjednik Komore zastupa Komoru bez ograničenja u okviru djelokruga rada Komore.

Predsjednik Komore predstavlja Komoru.

Predsjednika Komore zamjenjuje dopredsjednik Komore u slučaju njegovog odsustva te obavlja i druge poslove koje mu povjeri predsjednik.

Ukoliko predsjednik iz bilo kojeg razloga ne može obavljati svoju funkciju do kraja mandata, dopredsjednik je obavlja do sazivanja Skupštine i izbora novog predsjednika Komore.

Član 23.

Predsjednika i dopredsjednika Komore bira Skupština, a način biranja pobliže se utvrđuje Pravilnikom o izboru tijela Komore.

Član 24.

Predsjednik Komore obavlja sljedeće poslove:

- Saziva i predsjedava Skupštinom
- Izvršava zaključke i odluke Skupštine
- Saziva i vodi sjednice Izvršnog odbora i provodi njegove zaključke i odluke
- Potpisuje ugovore koje sklapa Komora
- Učestvuje u radu komisija pod rednim brojem 9, 10, 11, 12 člana 11. ovog Statuta
- Izdaje rješenja na osnovu odluka koju donose tijela Komore osim rješenja i odluka Suda Komore
- Obavlja i druge poslove određene ovim Statutom ili općim aktima Komore, odnosno koje mu povjeri Skupština ili Izvršni odbor Komore

Član 25.

Za obavljanje svog posla predsjednik i dopredsjednik Komore odgovaraju Skupštini Komore.

Odluku o opozivu predsjednika ili dopredsjednika donosi Skupština Komore na prijedlog najmanje dva predsjednika kantonalnih odbora ili pet delegata Skupštine. Način opoziva predsjednika i dopredsjednika pobliže se utvrđuje Pravilnikom o izboru tijela Komore.

VI PODRUŽNICE KOMORE

Član 26.

Podružnice Komore su:

1. Podružnica Unsko-sanskog kantona
Podružnica ima sjedište u Bihaću.
2. Podružnica Posavskog kantona
Podružnica ima sjedište u Orašju.
3. Podružnica Tuzlansko-podrinjskog kantona
Podružnica ima sjedište u Tuzli.
4. Podružnica Zeničko-dobojskog kantona
Podružnica ima sjedište u Zenici.
5. Podružnica u Bosansko-podrinjskom kantonu
Podružnica ima sjedište u Goraždu.
6. Podružnica Srednjobosanskog kantona
Podružnica ima sjedište u Travniku.
7. Podružnica Hercegovačko-neretvanskog kantona
Podružnica ima sjedište u Mostaru.
8. Podružnica Zapadno-hercegovačkog kantona
Podružnica ima sjedište u Širokom Brijegu.
9. Podružnica Sarajevskog kantona
Podružnica ima sjedište u Sarajevu.
10. Podružnica Livanjskog kantona
Podružnica ima sjedište u Livnu.

Član 27.

Podružnice kantona biraju svoje kantonalne odbore u koje se bira po jedan član iz svake općine Kantona.

Član 28.

Iz redova članova kantonalnog odbora bira se predsjednik podružnice. Predsjednik kantonalne podružnice saziva i predsjedava sjednicama kantonalnog odbora.

Kantonalni odbor sastaje se po potrebi, a najmanje četiri puta godišnje.

Kantonalni odbor donosi odluke većinom glasova od ukupnog broja članova.

Član 29.

Kantonalni odbor obavlja sljedeće poslove:

- Sudjeluje u provođenju zdravstvene politike svog kantona
- Učestvuje u organizovanju stručnih usavršavanja članova svog kantona, a u koordinaciji s Komisijom za edukaciju
- Razmatra primjedbe i prijedloge svojih članova i po potrebi ih prosljeđuje Izvršnom odboru Komore
- Predlaže Izvršnom odboru plan potreba medicinskih biohemičara kantona
- Redovno izvještava svoje članove o radu Komore
- Učestvuje u rješavanju eventualno nastalih sporova među članovima Podružnice

- Obavlja i druge poslove određene ovim Statutom ili općim aktima Komore, odnosno koje im povjeri Izvršni odbor Komore

VII SUD KOMORE

Član 30.

Sud Komore odlučuje o povredama dužnosti i ugleda zvanja medicinskih biohemičara.

Sud Komore radi u dva stepena.

Sud Komore u prvom stepenu ima predsjednika i dva člana.

Sud Komore u drugom stepenu ima predsjednika i dva člana.

Delegati u Skupštini ne mogu biti članovi Suda Komore.

Član 31.

Sud Komore u prvom i drugom stepenu radi prema Pravilniku o ponašanju i odgovornosti u struci.

VIII TUŽITELJ KOMORE

Član 32.

Tužitelj Komore predlaže i sudjeluje u postupku utvrđivanja krivice pri povredama dužnosti i ugleda medicinskih biohemičara.

Tužitelj ima dva zamjenika koje postavlja i razrješava Izvršni odbor Komore.

Tužitelj Komore radi prema Pravilniku o ponašanju i odgovornosti u struci.

IX KOMISIJA ZA MEDICINSKU ETIKU

Član 33.

Komisija za medicinsku etiku ima predsjednika i dva člana.

Članove Komisije bira predsjednik Komisije.

Način rada Komisije za medicinsku etiku uredit će se Pravilnikom o radu Komisija.

Član 34.

Komisija za medicinsku etiku obavlja sljedeće poslove:

- Oblikuje etički kodeks medicinskih biohemičara
- Prati i nadzire pravila etike u medicinsko-biohemijskoj djelatnosti i poduzima odgovarajuće mjere u slučaju njihovog kršenja

- Razmatra prijedloge i problematiku kantonalnih odbora na njihov zahtjev
- Obavlja i druge poslove koje im povjeri Skupština ili Izvršni odbor Komore

Za obavljanje poslova iz prethodnog stava, Komisija može imenovati stručnu, odnosno ekspertnu grupu.

X KOMISIJA ZA STRUČNA PITANJA

Član 35.

Komisija za stručna pitanja ima predsjednika, zamjenika i tri člana.

Članove komisije bira predsjednik komisije.

Način rada komisije utvrđuje se Pravilnikom o radu komisije.

Član 36.

Komisija za stručna pitanja obavlja sljedeće poslove:

- Daje stručna mišljenja kod pripreme propisa od uticaja na razvoj zdravstvene nauke
- Daje prijedlog plana potrebnih kadrova ministru zdravlja
- Daje prijedlog mreže zdravstvene djelatnosti ministru zdravlja
- Sudjeluje pri uvođenju standarda i normativa zdravstvenih usluga
- Pruža u durgom stepenu zaštitu građanima u ostvarivanju prava s obzirom na kvalitet, sadržaj i vrstu zdravstvene usluge koja im se pruža
- Sarađuje sa zdravstvenom inspekcijom u provedbi zdravstveno-inspekcijskog nadzora
- Obavlja nadzor nad stručnim radom članova Komore
- Razmatra prijedloge i problematiku kantonalnih odbora na njihov zahtjev
- Obavlja i druge poslove određene ovim Statutom ili drugim općim aktima Komore, odnosno koje im povjeri Skupština ili Izvršni odbor Komore

Za obavljanje poslova iz prethodnog stavka Komisija može imenovati stručnu, odnosno ekspertnu radnu grupu.

XI KOMISIJA ZA EDUKACIJU

Član 37.

Komisija za edukaciju ima predsjednika, zamjenika predsjednika i tri člana. Članove Komisije bira predsjednik Komisije.

Način rada Komisije za edukaciju uredit će se Pravilnikom o radu Komisije.

Član 38.

Komisija za edukaciju obavlja sljedeće poslove:

- Organizira u saradnji sa Farmaceutskim fakultetom i drugim stručnim institucijama edukaciju i dodatno usavršavanje medicinskih biohemičara sa obzirom na nove dijagnostičko-terapijske metode
- Propisuje uvjete stručnog usavršavanja medicinskih biohemičara koji obavljaju privatnu praksu, a zbog proširenja djelatnosti
- Prati i analizira problematiku i brine se za usklađivanje razvoja medicinsko-biohemijske djelatnosti
- Provodi provjeru stručnosti medicinskih biohemičara
- Razmatra prijedloge i problematiku kantonalnih odbora na njihov zahtjev
- Obavlja i druge poslove određene ovim Statutom drugim općim aktima Komore, odnosno koje im povjeri Skupština ili Izvršni odbor

Za obavljanje svojih poslova Komisija može imenovati stručnu, odnosno ekspertnu grupu.

Član 39.

Način stručnog usavršavanja medicinskih biohemičara:

- Objavljivanje stručnih i naučnih radova, magistarskih radova i dizertacija
- Postdiplomski studij
- Specijalizacija
- Sudjelovanje na organiziranim kursevima po određenim stručnim temama
- Drugi oblici organiziranog stručnog usavršavanja kao što su studijski boravci i slično

Komisija donosi Pravilnik o edukaciji medicinskih biohemičara.

XII KOMISIJA ZA STATUSNA PITANJA

Član 40.

Komisija za statusna pitanja ima predsjednika, zamjenika i tri člana.

Članove Komisije bira predsjednik Komisije.

Komisija radi po Pravilniku o radu Komisije.

Član 41.

Komisija radi sljedeće poslove:

- Vodi registar članova Komore
- Izdaje, obnavlja i oduzima odobrenje za samostalan rad medicinskih biohemičara prema propisima Komore (na prijedlog Komisije za edukaciju)
- Daje mišljenja Ministru zdravstva o opravdanosti izdavanja produživanja i oduzimanja odobrenja za obavljanje poslova medicinskih biohemičara u privatnoj praksi
- Daje mišljenja Ministru zdravlja o opravdanosti početka i prestanka rada zdravstvenih ustanova s obzirom na utvrđenu mrežu zdravstvene djelatnosti vodeći računa o stručnim i ekonomskim interesima svojih članova
- Daje mišljenja za rad medicinskih biohemičara u svojoj djelatnosti izvan punog radnog vremena:

- a) U zdravstvenoj ustanovi
- b) Kod zdravstvenih radnika koji obavljaju privatnu praksu
- c) U vlastitom prostoru i s vlastitom medicinsko-tehničkom opremom
- Kod podnošenja zahtjeva ljekara za obavljanje privatne prakse koja uključuje biohemijsko-hematološku laboratoriju, daje mišljenje o potrebi, uvjetima i obimu te djelatnosti
- Zastupa interese svojih članova kod sklapanja ugovora sa zavodima zdravstvenog osiguranja i drugim osiguravajućim zavodima
- Propisuje način isticanja naziva i način oglašavanja privatne prakse
- Daje prijedlog Ministru zdravlja za donošenje rješenja o prestanku rada privatne prakse
- Razmatra prijedloge i problematiku kantonalnih odbora na njihov zahtjev
- Obavlja i druge poslove određene ovim Statutom i drugim općim aktima Komore, odnosno koje im povjeri Skupština ili Izvršni odbor Komore

Za obavljanje svog posla Komisija može imenovati stručnu, odnosno ekspertnu grupu.

XIII KOMISIJA ZA KONTROLU KVALITETA I SARADNJU SA INDUSTRIJOM

Član 42.

Komisija ima predsjednika, dopredsjednika i tri člana.

Članove Komisije bira predsjednik komisije.

Komisija radi po Pravilniku o radu komisije.

Član 43.

Komisija obavlja sljedeće poslove:

- Vodi registar svih biohemijsko-hematoloških laboratorija na području Federacije
- Radi na organizovanju i obezbjeđivanju kontrolnih seruma i kontrolnih krvi za provođenje kvalitet kontrole
- Distribuirira materijale i obrađuje podatke za kvalitete kontrolu u Federaciji najmanje dva puta godišnje
- Prezentira rezultate kvalitet kontrole na stručnim sastancima
- Radi na standardizaciji opreme i laboratorijskog pribora
- Vršiti kontrolu rada na biohemijsko-hematološkim laboratorijima u smislu primjene standardnih metoda
- Daje saglasnost za registraciju dijagnostičkih testova, pribora i opreme
- Obavlja i druge poslove predviđene ovim Statutom i drugim općim aktima Komore, odnosno koje im povjeri Skupština ili Izvršni odbor Komore

Član 44.

Za obavljanje svog posla Komisija može imenovati stručnu, odnosno ekspertnu grupu iz inozemstva.

XVI KOMISIJA ZA EKONOMSKA PITANJA

Član 45.

Komisija za ekonomska pitanja ima predsjednika i dva člana.

Članove Komisije bira predsjednik Komisije.

Način rada Komisije uređuje se Pravilnikom o radu Komisije.

Član 46.

Komisija za ekonomska pitanja obavlja sljedeće poslove:

- Daje mišljenje na cijene zdravstvenih usluga za poslove koje obavljaju medicinski biohemičari koje određuje Zavod za zdravstveno osiguranje Federacije
- Daje mišljenje za cijenu zdravstvenih usluga za privatnu praksu koja ne ostvaruje prihod putem Zavoda zdravstvenog osiguranja
- Daje mišljenje na akta Zavoda za zdravstveno osiguranje kojim se utvrđuje način provođenja Plana i programa mjera zdravstvene zaštite, formiranje cijena i drugih osnova za sklapanje ugovora sa zdravstvenim ustanovama i privatnim zdravstvenim radnicima
- Razmatra prijedloge i problematiku kantonalnih odbora na njihov zahtjev
- Obavlja i druge poslove predviđene ovim Statutom ili drugim općim aktima Komore, odnosno koje im povjeri Skupština ili Izvršni odbor Komore

Za obavljanje svog posla Komisija može imenovati stručne odnosno ekspertne timove.

XV IZVORI FINANSIRANJA KOMORE

Član 47.

Izvori finansiranja Komore su:

- Članarina
- Naknade za usluge Komore
- Određeni iznos sredstava iz cijene zdravstvenih usluga koje obave medicinski biohemičari
- Donacije
- Prihodi ostvareni organizovanjem stručnih sastanaka
- Ostali izvori

XVI POSTUPAK IZDAVANJA, OBNAVLJANJA I ODUZIMANJA ODOBRENJA ZA SAMOSTALAN RAD

Postupak izdavanja odobrenja za samostalan rad

Član 48.

Ministarstvo zdravlja dostavlja Komori izvještaj o prijemu diplomiranih farmaceuta ili ljekara u biohemijsko-hematološkoj laboratoriji.

Izvještaj iz prethodnog stava treba Ministarstvo dostaviti u roku 30 dana po prijemu u radni odnos. Izvještaj mora sadržavati sve podatke iz diplome kao i prebivalište zaposlenog.

Član 49.

Ministarstvo zdravlja dostavlja Komori izvještaj o svim kandidatima koji su položili državni ispit za zvanje medicinskog biohemičara.

Izvještaj mora sadržavati sve podatke o kandidatima koji su položili državni ispit.

Ministarstvo zdravlja dostavlja Komori sve podatke o kandidatima koji su položili specijalistički ispit.

Izveštaj iz prethodnog stava mora sadržavati sve podatke uvjerenja o položenom specijalističkom ispitu kao i prebivalište zaposlenog.

Član 50.

Medicinski biohemičar podnosi Komori zahtjev za izdavanje odobrenja za samostalan rad.

Zahtjev se podnosi u roku od 30 dana od položenog državnog ispita. Uz zahtjev je obavezno priložiti: diplomu završenog fakulteta, uvjerenje o položenom državnom ispitu prema članu 107. Zakona o zdravstvenoj zaštiti Federacije Bosne i Hercegovine i uvjerenje o državljanstvu.

Postupak za obnavljanje odobrenja za samostalan rad

Član 51.

Medicinski biohemičar je dužan stručno se usavršavati u skladu sa propisima stručnog usavršavanja Komore.

Medicinski biohemičar je dužan podnijeti zahtjev Komori za izdavanje produženja odobrenja za samostalan rad najkasnije 3 (tri) mjeseca prije isteka roka od dobivanja produženja odobrenja za samostalan rad, odnosno roka od 6 (šest) godina utvrđenog u članu 111. Zakona o zdravstvenoj zaštiti Federacije Bosne i Hercegovine.

Uz zahtjev je potrebno priložiti dokaze o ispunjavanju uvjeta za produženje odobrenja za samostalan rad.

Član 52.

Komisija za statusna pitanja odlučuje o urednosti zahtjeva iz člana 51. ovog Statuta i prosljeđuje ga Komisiji za edukaciju koja će izvršiti provjeru stručnosti kandidata prema svom Pravilniku i dati svoje mišljenje Komisiji za statusna pitanja.

O urednosti zahtjeva mora se odlučiti u roku od 30 dana od dana primanja zahtjeva.

Ukoliko Komisija za statusna pitanja utvrdi da je zahtjev nepotpun dužna je pozvati podnosioca da podnese uredan zahtjev i to u roku koji ne može biti kraći od 15 a duži od 30 dana.

Ukoliko podnosilac ne izvrši svoje obaveze u određenom roku iz prethodnog stava, Komisija za statusna pitanja donosi odluku da mu se oduzme odobrenje za samostalan rad.

Član 53.

Ukoliko Komisija za statusna pitanja na osnovu prijeloga komisije za edukaciju utvrdi da kandidat ne zadovoljava uvjete za obnavljanje odobrenja za samostalan rad o tome mora izvijestiti ministra zdravlja.

U izvještaju se mora tačno navesti u čemu kandidat ne ispunjava uvjete i obrazloženje Komisije za edukaciju.

Ukoliko ministar zdravlja Komisiji dostavi svoje mišljenje, Komisija ga mora obavezno razmotriti i o njemu se izjasniti.

Ukoliko ministar zdravlja ne dostavi svoje mišljenje u roku od 30 dana od dostave izvještaja iz stava 1. Ovog člana, Komisija za statusna pitanja nastavlja postupak.

Član 54.

Na osnovu odluke Komisije za statusna pitanja, a na prijedlog Komisije za edukaciju, predsjednik Komisije za statusna pitanja donosi odobrenje za samostalan rad ili rješenje o oduzimanju odobrenja za samostalan rad.

Postupak za oduzimanje odobrenja za samostalan rad

Član 55.

Sud Komore u drugom stepenu donosi konačnu i pravosnažnu odluku o oduzimanju odobrenja za samostalan rad.

Postupak se provodi na osnovu Pravila ponašanja i odgovornosti u struci.

Član 56.

Ukoliko medicinski biohemičar izvan punog radnog vremena obavlja poslove zdravstvene zaštite u suprotnosti sa članom 98. Zakona o zdravstvenoj zaštiti Federacije Bosne i Hercegovine, Komisija za statusna pitanja donosi odluku da mu se oduzme odobrenje za samostalan rad.

Komisija mora donijeti odluku u roku od 30 dana od saznanja kršenja Zakona o zdravstvenoj zaštiti.

Prije donošenja odluke Komisija mora obavezno pozvati i saslušati medicinskog biohemičara protiv kojeg se odluka odnosi. Ukoliko se medicinski biohemičar ne odazove pozivu Komisije, Komisija donosi odluku iz stava 1. ovog člana.

Predsjednik Komisije za statusna pitanja svoju odluku prosljeđuje Sudu Komore.

Predsjednik Komore izdaje rješenje o odluci Suda Komore.

Član 57.

Medicinskom biohemičaru može se obnavljati odobrenje za samostalan rad do 65 godina života.

Iznimno se može medicinskom biohemičaru obnoviti odobrenje za samostalan rad do 70. godina života i to:

- Nastavniku na fakultetu
- Medicinskom biohemičaru koji obavlja privatnu praksu ukoliko primi u radni odnos jednog medicinskog biohemičara koji ima odobrenje za samostalan rad

Zaštita prava članova

Član 58.

Sve odluke, odnosno rješenja o ostvarivanju prava, obaveza i odgovornosti člana obavezno se u pismenom obliku dostavljaju članu s poukom o pravnom lijeku.

Član 59.

Član ima pravo prisustvovati sjednici Skupštine Komore na kojoj se raspravlja o njegovom ostvarivanju prava, obaveza i odgovornosti i izjasniti se o činjenicama koje su važne za donošenje odluke.

XVII MATERIJALNO-FINANSIJSKO POSLOVANJE KOMORE

Član 60.

Finansijsko-materijalno poslovanje vrši se prema zakonima o finansijsko-materijalnom poslovanju i prema drugim zakonskim propisima o društveno-pravnim licima.

Član 61.

Komisija za ekonomska pitanja donosi finansijski plan Komore, a usvaja ga Skupština Komore.

Član 62.

Za profesionalno vođenje marketinga i administrativno-stručnih poslova angažuje se sekretar Komore.

XVIII POSTUPAK ZA DONOŠENJE I IZMJENE STATUTA

Član 63.

Nacrt Statuta utvrđuje Skupština i daje ga na javnu raspravu po kantonalnim odborima. Rasprava o nacrtu ne može biti kraća od 30 dana.

Član 64.

Izvršni odbor Komore utvrđuje prijedlog Statuta.

Član 65.

Skupština Komore medicinskih biohemičara Federacije Bosne i Hercegovine donosi Statut Komore.

Član 66.

Promjene Statuta se vrše po postupku za njegovo donošenje. Inicijativu za promjenu Statuta može pokrenuti kantonalni odbor, Izvršni odbor Komore ili Skupština Komore.

XIX PRESTANAK RADA KOMORE

Član 67.

Komora prestaje raditi odlukom Skupštine ili Rješenjem nadležnog organa propisanim Zakonom. Odlukom Skupštine o prestanku rada Komore medicinskih biohemičara Federacije BiH određuje se i ko će o tome obavijestiti nadležne organe u Federaciji BiH.

XX STUPANJE NA SNAGU STATUTA

Član 68.

Ovaj Statut stupa na snagu dana 17.09.1997. godine, kada je usvojen na osnivačkoj Skupštini Komore medicinskih biohemičara Federacije Bosne i Hercegovine, a primjenjivati će se od dana upisa u registar društvenih organizacija kod Višeg Suda Federacije Bosne i Hercegovine.

Sarajevo, 17.09.1997. godine

PREDSJEDNIK KOMORE
MEDICINSKIH BIOHEMIČARA
FEDERACIJE BIH
Cico Bakira